

**CU NO TIN PERSECUCION
NO NIFICA CU NO TIN
INVESTIGACION ANDANDO;
NAN TA DOS COS TOTALMENTE
DIFERENTE**



WWW.SOLODIPUEBLO.COM



SOLODIPUEBLO@GMAIL.COM

**MINISTERIO PUBLICO NA HUES:
“NINGUN EXCEPCION PA DE
MEZA, MES TRATO MANERA TUR
OTRO CIUDADANO”**



**CON EMAN Y DE MEZA
A BENDE ARUBA PA
300 MIYON CU CITGO; E
CLAUSULA SECRETO**

Investigacion profundo ta desmenti e acusacionnan falso
contra gobierno MEP

**ABOGADO MR. D.
CROES TA EXIGI
PA MINISTERIO
PUBLICO BISA KICO TA
SOSPECHA MIKE DE
MEZA DI DJE**

Mientras cu e sospechoso ta keda
encarcela

**CUATER TESTIGO LO
WORDO INTEROGA PA
HUES COMISARIO DEN
CASO DI ABUSO DI DOS
MUCHA MENOR DI EDAD**

**PAMAC DESTINATION SUMMIT:
ARUBA TA COMPROMETI NA E
INDUSTRIA CRUCERO**



Diaranson mainta a tuma luga e “PAMAC Destination Summit” den Renaissance Convention Center, unda mas di 200 miembro di Florida Caribbean Cruise Association a atende. Henter e directiva y ehecutivonan clave di e asociacion aki ta na Aruba pa hunto delibera riba futuro di e industria crucero den nos region Caribense.

PAMAC DESTINATION SUMMIT: ARUBA TA COMPROMETI NA E INDUSTRIA CRUCERO



Diaranson mainta a tuma lugae “PAMAC Destination Summit” den Renaissance Convention Center, unda mas di 200 miembro di Florida Caribbean Cruise Association a atende. Henter e directiva y e ehecutivonan clave di e asociacion aki ta na Aruba pa hunto delibera riba futuro di e industria crucero den nos region Caribense. E evento ta patrocina pa Gobierno di Aruba, Aruba Ports Authority N.V. y Aruba Tourism Authority.

Minister di Turismo, Labor y Transporte, Wendrick Cicilia, a habri e conferencia gradiciendo e asociacion di crucero pa a permiti Aruba ta e isla afriton pa nan encuentro. E mandatario a bisa e

presentenan cu e ta inspira pa mira e compromiso pa cu Aruba y con e asociacion a scoge pa topa henter e industria crucero na Aruba, siendo un partner strategico pa e industria. Minister Cicilia a referi na e industria turistico di Aruba como un famia. E ta balora e importancia di famia y ta sinti cu FCCA tambe ta considera nos isla como famia.

Hopi no ta corda, pero den añanan 50 nos isla a cera conoci cu e industria di crucero, ora cu e prome barco “Libertador” a yega nos isla. Asina a sigui ricibi mas barco, manera tabata Tradewinds, Santa Rosa y Santa Paula. Awendia Aruba ta forma parti di e itinerario di e liñanan crucero mas prestigioso



di mundo. E industria aki a crece y desaroya hopi e ultimo decadan, den cual e aporte economico ta notabel. Meta di gobierno ta pa sigui desaroya e industria aki, enfocando riba un crecimiento balansa y responsabel pero tambe pa explora posibilidad pa barconan mas chikito pero cu pasaheronan elite cu un miho poder di compra.

“Pa Aruba, e industria di turismo a cuminsa for di 65 aña pasa caba”, asina Ronella Croes, CEO di Aruba Tourism Authority a bisa durante su discurso. Y aunke cu e ultimo decadan aki, a bay cu hopi crecimiento y desaroyonan positivo, tanto na nivel economico como bienestar general di e ciudadano, toch no por kita for cu crecimiento ta trece su complicacionnan cu ne tambe! Consecuentemente, awendia palabranan manera sostenibilidad, turismo responsabel y sobre turismo ta zona duro den horea di e Rubiano. Cu e realidad aki riba mesa, e

vision di nos pais awor ta pa enfoca riba inverti den nos destinacion pero miho balansa y protehando naturalesa y medio ambiente entre otro. Ta cu e pensamiento ey mes den mente A.T.A. a lansa na april ultimo un campaña internacional cu ta bisa “When you love Aruba, it loves you back”, trahando asina riba e sentimiento di e turista pa nan cuida nos isla mescos nos ta / mester cuid’e.

Marc Figaroa, CEO di Aruba Ports Authority N.V., no a laga e oportunidad bay pa reconoce e participacion record na PAMAC 2025. El a sigura cu APA N.V. awo ta den un posicion pa sigui inverti pa mehora e experiencia di tur pasahero cu yega nos

isla via waf. El a reconoce cu e industria crucero na Aruba ta creciendo y aña pasa a kibra tur record, mientras cu e aña aki no ta spera otro. Y esaki lo no tabata posibel sin e compromiso y sosten di tur e liñanan crucero cu ta responde na e demanda grandi di pasaheronan cu kier bishita Aruba durante nan biahe.

E reunionnan rond di PAMAC 2025 a cuminsa diamars y ta sigui te cu diahuebs awo. Riba diebierna y den fin di siman e participantenan lo regresa nan pais bek. Te cu awo, tur ta bisa di a keda encanta cu Aruba y ta considera cu e comision organizado, forma door di APA N.V. y A.T.A., a surpasa tur nan expectativanan.



CU NO TIN PERSECUCION NO NIFICA CU NO TIN INVESTIGACION ANDANDO; NAN TA DOS COS TOTALMENTE DIFERENTE

Hopi hende incluso algun “rochelista” a malinterpreta e mensahe di Ministerio Publico, pensando cu “no tin persecucion” ta nifica cu “no tin caso.” Pero esaki no ta asina. E comunicado ta hopi cla: De Mesa ainda no ta den fase di persecucion criminal, pero e investigacion si ta andando.

Kico ta persecucion realmente?

Persecucion ta e fase final den proceso penal, ora e fiscal presenta e caso formalmente na corte como acusador. De Mesa ainda no a yega na e fase aki. Pero esaki no ta nifica cu e caso a caba, ni cu Mesa ta liber di tur sospecha. E diferencia ta importante: Investigacion = Nan ta busca evidencia y ta analisa, Persecucion

= Nan a haya suficiente evidencia pa acusa formalmente y e caso lo bay corte.

E investigacion ta andando

Segun por decifra e comunicado di Ministerio Publico, e caso ta den fase di investigacion preliminar. Esaki ta nifica:

-Nan ta analisando documentonan fiscal

-Nan ta investigando si tin irregularidadnan

-Si e evidencia ta muestra necesidad, nan lo profundisa mas

-Na momento apropia, nan por yama sospechoso pa interrogacion Pero e momento pa persecucion formal ainda no a yega.

Transparencia vs. Secreto Profesional

Ministerio Publico tin obligacion

legal pa no revela detaye di investigacion activo. Esaki ta proteha tanto e sospechoso como e integridad di investigacion. Loke nan si nan por bisa: “No tin persecucion actual” Loke nan no por bisa: Si Mesa ta sospechoso of testigo

Conseho pa comunidad

E mensahe di Ministerio Publico tabata cla y huridicamente corecto: “No tin persecucion actual, na e momento aki, pero tampoco no confirma di desmenti cu e ta un sospechoso” Esaki ta nifica cu: E proceso legal ta siguiendo su curso normal, no mester saca ningun conclusion y tampoco mester distrosiona informacion. Ta importante pa lesa bon prome cu comenta, y pa respeta e proceso



di husticia. Lansa atake baho y ofensivo contra di Procurador General di Aruba, pasobra no ta compronde e terminologianan huridico, no ta corecto.

Esey ta instigacion! Solo di Pueblo ta sigui monitoria e desaroyo di e situacion aki y lo informa comunidad segun informacion oficial ta disponibel.

Parlamentario Dangui Oduber: Minister Wever ta desconecta cu e realidad TUR PRIJS NA ARUBA SUBIENDO Y MINISTER WEVER DEN NEGACION

Nos por corda cu durante henter campaña lider di Partido Futuro actual minister Gerlien Croes como tambe minister Wever a bisa cu Aruba ta hopi caro. Nan a priminti cu nan lo mehora e poder di compra y baha e costo di bida. Nan a priminti cu nan lo reduci e prijs di gasoline, nan lo mehora e poder di compra, nan lo elimina aircogeld di scol pa mayornan den nan prome 90 dianan di gobernacion.

Esaki ta loke pueblo a wordo priminti, esaki ta e expectativa cu NAN a crea. Awe e realidad ta diferente, y aunke nos tawata sa cu nan NO lo cumpli, nan NO a cumpli cu nan promesanan. Awe, despues di eleccion di 6 december 2024 Aruba ta mas caro cu nunca. Tur prijs di tur producto ta subiando tur dia,

Minister Wever a bisa na varios ocasion cu frigidairenan na Aruba ta bashi y nan lo percura pa yena esakinan. Awe no solamente frigidriarenan ta bashi pero hende tin miedo di cushina. Minister Wever a claba pueblo un aumento di gas di 60 florin pa 80 florin, un aumento di 33.3%. Ta increibel cu te awe e no kier duna cuenta, e no kier bin parlamento y no kier corigir e decision aki cu ta perhudica miles di hende cu ta bende cuminda na Aruba pa sobrevivir. E ta subi prijs di gas pa pueblo pa yuda un compania cu a gana 13 milyon florin.

- Prijs di lechi a subi cu mas di 10% siendo lechi ta den canasta basico. Unda minister Wever ta pa controla productonan den canasta basico?

- Prijs di coffee a subi cu mas

di 10% y minister di inflacion man crusa?

- Prijs di 1 kilo di galiña a subi cu di 5.75 pa 8 florin, un aumento di 40%.

- Prijs di gasolin a subi algun dia pasa siendo a wordo priminti cu den e promer 90 dianan e ta baha.

Minister Wever tawata den parlamento y enbes cu e ta keda consistente y reconoce cu Aruba keto bay ta caro y mester un plan holistico, integral con pa atende cu e prijsnan cu ta subiando explosivamente, e la bisa den parlamento cu 99% di e prijsnan na Aruba NO a subi!!!

Aki bo ta mira claramente cu minister Wever ta totalmente desconecta di e realidad y e ta “in denial”. E no kier admiti cu e no tin vision, e no tin plan y e no kier admiti cu prijsnan na Aruba ta skyrocket y Aruba ta mas



caro cu nunca.

Nos a bolbe puntra minister Wever ki dia su plan di accion ta cla y nos a haya e mesun contesta, cu e ta trahando keto bay riba e plan. Ironico ta cu den campaña tawata tin un plan cla pa ehecuta den e promer 90 dianan di gobernacion y awor cu nan ta den gobierno ta trahando riba e plan. Aki bo ta mira con e junior partner di coalicion Partido Futuro ta un decepcion y ta hiba e mesun politica di gañamento di partido AVP!



NoticiadiCorte

ABOGADO MR. D. CROES TA EXIGI PA MINISTERIO PUBLICO BISA KICO TA SOSPECHA MIKE DE MEZA DI DJE

Awe mainta den “Raadkamer”, tratamento di caso cu Mike de Meza a cuminsa contra Ministerio Publco, a tuma lugar.

SOLO DI PUEBLO por a compronde cu den sala di Corte tabata presente: Hues, abogado mr. D.Croes, hurista Duijneveld, Mike de Meza y Fiscal di Ministerio Publico. Den “Raadkamer” ni prensa, ni publico ta wordo permiti.

KICO TA SOSPECHA DE MEZA DI DJE?

Informacion cu ta dispone di dje, ta muestra cu mr. D.Croes, asisti pa Duijneveld, a bisa Hues cu de Meza tin derecho di haya sa, awor cu Ministerio Publico ta consider’e como sospechoso, kico e ta wordo sospecha di dje. Mr. Croes a bisa Hues cu loke de Meza kier, ta pa Hues ordena Ministerio Publico pa informa de Meza, kico e ta wordo sospecha di dje.

TA LAGA DE MEZA DEN DUDAMr. Croes a remarca cu Ministerio Publico ta bisa cu segun

EVRM (Derechonan Humano) y Constitucion, de Meza lo wordo poni na altura di loke e ta wordo sospecha di dje, na momento di su detencion of si eventual e wordo sera. E abogado a bisa Hues cu nan no ta comparti e punto di bista aki. El a cuestiona e ponencia di Fiscal cu por cualifica un persona como sospechoso y despues, den silencio hala e sospecho aden. Mr. Croes ta haya esaki inhusto, pasobra ta laga de Meza pa hopi tempo den duda. Na opinion di mr. Croes, no por laga de Meza den duda asina tanto, teniendo na cuenta e circunstancianan y interesnan cu tin.

E abogado a muestra cu un bon proceso di husticia ta exige cu de Meza ta wordo poni na altura di kico e ta wordo sospecha di dje. E abogado a bisa cu esaki ta wordo garantiza den EVRM (Derechonan Humano).

E abogado ta cuestiona tambe e ponencia di Fiscal cu mester rechaza e exigencia di mr. Croes pasobra te ainda Ministerio Publico no

a tuma un decision si ta bay persigui de Meza of no. E abogado a muestra cu Fiscal no por bay core sconde tras di e obligacion di secreto di e LIM. Mr. Croes ta haya cu e actitud aki di Fiscal, ta perhudica directamente e candidatura pa minister y ta tacha e honor y bon number di de Meza.

Mr. Croes a señala henter e asunto di denuncia cu Departamento di Impuesto (DIMP) a haci na Ministerio Publico contra de Meza. Un carta a bay na Formador, kende a informa de Meza di esaki. Na opinion di mr. Croes, esaki ta wordo considera un notificacion oficial.

E abogado ta haya cu ta FIOT ta e instancia cu mester haci investigacion relaciona cu incumplimento di belasting y no Ministerio Publico. E abogado a bisa cu ta hopi straño cu FIOT no a haci investigacion. E abogado ta haya cu Ministerio Publico ta haci mal uso di su poder. Hues a bisa cu den careda di otro siman, e lo tuma un decision.

DAMA HERIDA DEN ACCIDENTE NA KOYARI TRANSPORTA PA HOSPITAAL



Koyari - Diaranson anochi algo prome cu 7'or y mey a sosode un accidente di trafico ariba e caminda di Koyari, lagando basta daño material atras. Polis di trafico a wordo

notifica, debi un persona a resulta herida y mester a wordo traslada cu ambulance pa Hospitaal.

Un Ford150 lo a subi e caminda for di pabou y kizas no a mira e Hyundai Tucson biniendo di nort. Debi na e impacto duro, ambos auto a drenta e cura di Italo Arubano causando daño na e cura y ambos vehiculo.

Polis y Forensys tawata presente pa atende cu e accidente aki.



CON EMAN Y DE MEZA A BENDE ARUBA PA 300 MIYON CU CITGO; E CLAUSULA SECRETO

Investigacion profundo ta desmenti e acusacionnan falso contra gobierno MEP

ORANJESTAD – Despues di un investigacion exhaustivo tocante e caso controversial di e refineria Citgo y e alegcion di “regalo” di 300 miyon florin, SOLO DI PUEBLO a descubri e berdad tras di e retorica politico cu ta circula den nos comunidad, fomenta dor di AVP y Mike de Mesa.

E mentira ta wordo exponi Durante ultimo lunanan, nos a tende repetida ves cu gobierno MEP a “regala” na Citgo un suma di 300 miyon florin. Pesey Mike de Meza kier bira minister t ta exige investigacion. E acusacion aki ta uno completamente falso y ta basa riba manipulacion politico.

E berdad real E realidad ta completamente diferente. E gobierno di AVP, bao liderazgo di Eman y De Mesa, tabata esunnan cu a firma e contrato cu Citgo na 2015/2016. Den e contrato aki, nan a inclui un clausula hopi sospechoso y poco

usual.

E clausula aki ta stipula cu si gobierno Mericano bin cu sancionnan contra Citgo, e obligacion di 300 miyon florin cu Citgo mester paga na Aruba pa desmantela e refineria lo cancela automaticamente.

Kico a pasa?

Exactamente locual cu por a wordo spera a pasa. Gobierno Mericano efectivamente a impone sancionnan riba Citgo, y como resultado di e clausula cu Eman y De Mesa a firma, Citgo keda liber di su obligacion pa paga e 300 miyon florin na Aruba.

E consecuencia

E clausula raro y poco profesional cu a wordo inclui den e contrato ta e razon real pakico Aruba no a ricibi e 300 miyon florin. No tabata gobierno MEP cu a “regala” e placa aki, tabata e contrato mal negocia cu a wordo firma door di



administracion anterior.

Mesa durante gobernacion di AVP.

Papia berdad

Cualquier otro historia of retorica tocante e caso aki ta falso y ta solamente pa consumo politico partidista. E intencion ta pa crea confusion y duda den pueblo, pero e hechonan ta cla.

E responsabilidadnan pa e situacion actual cu Citgo no a paga e 300 miyon florin na Aruba ta cay completamente riba e contrato cu a wordo firma door di Eman y De

No permiti manipulacion

Ta importante pa nos pueblo compronde e berdad y no laga nan manipula door di propaganda politico. E hechonan ta papia pa su mes, y e documentonan ta proba claramente kende ta e responsabel real pa e situacion aki. Nos ta haci un yamada na tur ciudadano pa busca berdad y no laga nan gañabo cu storianan barata y falso.

NOMBRACION DI DOS DIRECTOR NA UTILITIES NV SIN 'OPEN SOLICITATIE' TA LANTA HOPI PREGUNTA

ORANJESTAD — E reciente nombracion di dos director nobo na e compania di utilidad di Aruba, Utilities NV, a causa hopi preocupacion y critica den comunidad, pa motibo cu aparentemente no tabatin un proceso habri di solicitacion pa e puesto importante aki.

Segun un noticiero liga na gobierno, e gabinete nobo a tuma e desicion pa suspende e director di Utilities NV, Ton Rojer, y na su lugar a nombra Joseph Everon como director nobo. Tambe Randolph Ruiz a wordo nombra como director financiero di e compania. Loke ta lanta mas pregunta ta e echo cu ambos persona, durante nan trabou na Web Aruba NV, a enfrenta cuestionamiento y problema den nan funcion, y eventualmente a sali for di e empresa. Awor, sin

un proceso cla di solicitacion, nan ta regresa den posicion clave den e compania madre di Web NV.

Esaki ta contradici fuertemente loke minister Gerlien Croes a priminti na principio di e gobierno actual: cu tur nombracion den su ministerio y den entidad bou su encargo lo pasa via un proceso habri, esta un open sollicitatie procedure.

E pregunta cu ta presente awor den comunidad ta:

Unda e proceso priminti a keda?

Unda e propaganda cu ta anuncia e vacatura a keda? Unda e comision di seleccion cu mester evalua e candidato ta? Unda e prueba cu ta

monstra cu e persona ta cla pa guia Utilities NV, un di e empresa mas estrategico di e pais?

Si e noticia aki ta resulta cu ta berdad, e señal ta serio: un biaha mas, ta pone hende den puesto clave sin solicitacion, sin transparencia y sin responsabilisa na pueblo, y esaki por habri e porta pa desicion cu no ta den interes publico sino interes particular.

E comunidad y tur sector cu ta warda bon gobernacion lo keda wak cu atencion pa e reaccion di gobierno, cu te na e ora cu nos ta traha e noticia aki no tabatin ningun comentario oficial riba e nombramento ni riba e proceso cu nan a sigui.



Noticia di Corte

Mientras cu e sospechoso ta keda encarcela

CUATER TESTIGO LO WORDO INTEROGA PA HUES COMISARIO DEN CASO DI ABUSO DI DOS MUCHA MENOR DI EDAD

ORANJESTAD – Awe mainta e homber K.(57), chofer di ex Promer Minister, a presenta dilanti Hues pa scucha su decision riba e peticionnan pa investigacion cu abogado mr. Rosenstand a haci.

SOLO DI PUEBLO por a compronde cu K. ta keda encarcela y cu Hues a bay di acuerdo pa scucha cuater di e seis testigonan cu mr. Rosenstand a pidi.

Dia 12 Juni 2025, tabatin e caso penal “pro forma” contra di K. No tabatin tratamiento di e caso, sino cu Hues tabata kier sa si abogado tin peticion pa investigacion(nan) y fiha un fecha pa tratamiento di e caso. Ta asina cu e dia ey, K. no a presenta. E acusacionnan cu Fiscal a presenta contra K. ta:

- Den e periodo entre 4 April 2015 te 13 Mei 2023, K. a abusa di un mucha muher menor di edad.

- Fiscal ta acusa K. tambe di cu entre 25 Augustus 2019 te 13 Mei 2023, K. a abusa di un otro mucha muher menor di edad.

- Fiscal a sigui bisa cu K. ta wordo acusa di tabatin pornografia infantil den periodo di 27 Juni 2022 te 4 Maart 2025.

- Fiscal tambe a acusa K. di posecion di seis arma di candela, balanan y peñanan riba 4 Maart 2025.

CUATER TESTIGO LO WORDO SCUCHA

Hues a bisa cu e ta rechaza e peticion di abogado mr. Rosentand, pa laga K. liber te ora cu tratamento di e caso tuma lugar.

Hues a bisa cu riba e peticion di mr. Rosenstand, pa scucha seis testigo, e ta bay

di acuerdo pa scucha cuater testigo cu ta tres dama y un homber. Hues a rechaza entre otro pa scucha e director di club di tiro cu K. ta forma parti di dje.

Hues a rechaza e peticion di mr. Rosenstand pa e seis armanan bay bek pa e club di tiro. Hues a bisa cu mester warda resultado di tratamiento di e caso penal pa mira si e armanan lo wordo debolbe na e club di tiro of si nan lo keda confisca.

Por a compronde, cu cinco di e armanan tabata den un caha fuerte y un arma tabata poni riba e caha fuerte.

Hues a bisa cu e ta bay di acuerdo cu e proposicion di Fiscal pa pospone e caso pa dia 19 September 2025. Hues a pospone e caso pa dia 19 September 2025 pa 9.15 di mainta.

MINISTER HUSTICIA CORSOU DI BISHITA NA KPA



MACUARIMA, ARUBA: Den cuadro di Justitieel Veiligheidsoverleg (JVO) entre e cuatro islanan, cu e biaha aki a tuma lugar na Aruba, Minister di Husticia di Corsou sr. Shalten Hato a haci un bishita na altocomisario Ramon Arnhem. Den un combersacion

ameno a combersa riba diferente tema entre otro colaboracion regional.

Despues Minister di Husticia sr. Shalten Hato a topa cu Polis uniforma na Warda di Polis Santa Cruz. Cuerpo Policial Aruba ta mira bek un bunita encuentro y ta gradici Minister Shalten Hato pa su tempo y su bishita.

Nos ta mira den futuro mas colaboracion policial entre Aruba y Corsou pa bienestar di seguridad di cada Pais.



MINISTERIO PUBLICO NA HUES: “NINGUN EXCEPCION PA DE MEZA, MES TRATO MANERA TUR OTRO CIUDADANO”

Huez di Corte den prome instancia a trata awe e peticion di M.E. de Meza, cu el a haci a base di articulo 43 di Codico di Procedimento Penal. Señor De Meza a afirma cu e formador a pone na haltura cu Ministerio Publico a califik'e como sospechoso, a base di un denuncia dor di inspector. Cu e peticion aki, e ta pidi Huez pa duna Ministerio Publico ordo pa inform'e tocante e tipo y motibo di e sospecho contra dje. Articulo 43 di Codico di Procedimento Penal ta bisa cu un ciudadano por pidi Huez pa haya un solucion na momento cu surgi un problema pa cual no tin regulacion legal specifico, pero cu di tur manera mester wordo resolvi urgentemente. Den tal caso, Huez por tuma un medida concreto pa garantiza cu e proceso penal ta desaroya bon y husto. Pa respalda su peticion, e peticionario ta basa su argumentacion riba e Convencion Europeo

di Derechonan Humano, e Statuut y e Directiva 2012/13/EU di Parlamento Europeo y di e Consejo cu ta trata e derecho di haya informacion den procedimentonan penal.

Ministerio Publico a bisa hues, cu tur persona cu ta wordo acusa pa un hecho castigabel tin derecho pa wordo informa tocante e tipo y motibo di e acusacion contra dje.

Sinembargo, actualmente no tin ningun persecucion andando contra e peticionario. Tampoco el a wordo deteni, ni invita pa wordo scucha como sospechoso. Eseyan lo ta e momentonan caminda un sospechoso mester wordo poni formalmente na haltura cu e ta wordo sospecha of acusa di comete un delito penal.

Esaki ta aplica pa tur ciudadano cu ta sospechoso, incluso p'e. Ministerio Publico no ta mira ningun motibo pa



kita di e norma aki den caso di e peticionario en cuestion. Pa e motibo ey, Ministerio Publico ta para riba cu e peticion mester wordo rechasa. **PROCEDIMIENTO DI SCREENING PA CANDIDATO-MINISTER** Considerando e obligacion di confidencialidad cu ta aplica pa tur persona cu ta involvi den e ehecucion **Landsverordening** integriteit ministers, Ministerio Publico no por haci ningun declaracion tocante e ponencia di e peticionario cu e ta formador lo a inform'e cu e

ta sospechoso di un delito penal.

Ministerio Publico por unicamente indica den forma general, cu den e **Landsverordening** integriteit ministers, e legislador a encarga e procurador-general pa haci un investigacion hudicial riba e candidatonan pa minister. Tambe e legislador a determina cu e procurador-general mester saca un declaracion na e formador y na gobernador, den cual ta indica si e candidato ta sospechoso di un delito den un

investigacion activo. Pues e legislador ta determina e reglanan, e funcionnan legal y e obligacionnan di Ministerio Publico. Un ciudadano mes ta determina e momento cu e ta presenta un denuncia. Huez lo tuma su decision mas liher posibel, en todo caso dentro di un siman. E pregunta principal cu lo mester contesta ta si mester haci excepcion pa un candidato pa minister, en comparacion cu cualkier otro ciudadano di Aruba.

CAMBIA PERSPECTIVA TOCANTE OBESIDAD: SA BO NUMBER Y MIDI BO PESO



Minister Geoffrey Wever

ARUBA TA INICIA E PROCESO PA UN FUTURO SOSTENIBEL: E VISION AMBICIOSO PA HORTICULTURA LOCAL TA BIRA REALIDAD CU AGRI-INNOVATION PARK



Oranjestad, 17 juni 2025 - Diamars anochi Minister di Finansa, Asunto Economico y Sector Primario, Geoffrey Wever a presenta e proyecto Agri-Innovation Park na mas di 110 horticultor, agricultor y personanan interesa pa bira esaki. Den un momento cu por ser describi como historico pa e sector di agricultura di Aruba, Minister Wever, a presenta e proyecto Agri-Innovation Park cu ta bay transforma e manera cu nos isla ta produci y consumi fruta y berdura. Ministerio di Sector Primario ta trahando hunto cu Santa Rosa riba un plan integral pa henter e sector primario, pero e proyecto aki ta enfoka riba produccion di alimento den kas, brinda un infrasrtuctura unda cu tur agricultor por haya informacion y por educa nan mes riba e area di agricultura comercial. Durante e session nos a ricibi varios sugerencia di e participantenan, cual nos lo tene cuenta cune den e proceso di desaroyo di e AIP. E proyecto ta un

paso firme den direccion di autosuficiencia alimentario, sostenibilidad y crecimiento economico local. "E futuro alimenticio di nos pueblo no mester depende di importacion," Minister Wever a enfatisa. "Nos tin tera, nos tin solo, nos tin hende balente y awor nos tin e vision y e plan pa crea un sistema di produccion local cu ta resisti crisis, crea trabou y yuda nos pueblo come mas saludabel." Un fundeshi pa progreso: E rol di e Agri-Innovation Park Diferente estudio a ser haci durante e ultimo añanan pa sondea cua ta e mihor forma pa structura e iniciativa aki. Recientemente e rapport di Priva a keda cla for di cual nos a ricibi informacion valioso pa por delinea e direccion cu nos tin cu bay. Banda di haci estudionan, nos a busca expertonan manera Sr. Elwin Groenevelt pa yuda nos cu guia y sosten profesional den e proceso pa ehecuta e proyecto di

vital importancia pa Aruba. E Agri-Innovation Park lo sirbi como e curason di un revolucion horticultural. Situa den un area strategico, na Santa Rosa, e park lo combina kas moderno pa produccion y experimento, espacionan pa educacion, un laboratorio pa inovacion, y facilidadnan pa distribucion y almacenamiento. E compleho ta parti di e Agripreneurial Development Program (ADP) y ta forma un pilar fundamental di e Plan Nacional 2023-2025 pa un modelo economico mas inclusivo y duradero. E obhetivonan principal di AIP ta, desaroya e sector di "horticultura" pa medio di tecnologia y conocimiento, aumenta e capacidad di produccion local reduci dependencia di importacion y diversifica nos economia. Impacto real: Menos importacion, mas prosperidad local Aruba ta importa mas cu 99 di su fruta y berdura. E estudionan a muestra cu si e proyecto aki ser ehecuta correctamente, por substitui e importacion pa produccion local di fruta y berdura balora na 111.8 miyon florin. E vision ta bay mas leu, den un calculacion pa expansion gradual, e mercado potencial por yega hasta Afl. 300 miyon, incluyendo exportacion pa paisnan den region. Ademá, e plan por



crea 170 cupo di trabou directamente den e sector di kasteelt y 250 cupo di trabou indirectamente den logistica, mantencion, distribucion y servicionan tecnico. Esaki ta loke Minister Wever a describi como "un industria completamente nobo cu por bira un pilar economico pa Aruba." Tres fase di transformacion Minister Wever den su presentacion a delinea un ruta pa e desaroyo di e proyecto. Fase 1 (0-3 aña): Fortifica e produccion actual cu "folietunnels" pa lechuga y concomber. Fase 2 (3-5 aña): Introduccion di kas mas avansa, cu teelt di paprika, tomati y leafy greens. Fase 3 (5-8 aña): Escala grandi, 100% autosuficiencia pa berdura y fruta selecciona, preparacion pa exportacion. Apoyo, Regulacion y Financiamiento Minister Wever ta haci un yamada riba nos sector priva y publico pa traha hunto pa por logra. E plan ta inclui recomendacion pa:

- Tarifanan reduci pa electricidad pa agricultornan nobo;
- Subsidio pa cubri gastonan inicial y pa expansion y usando tecnologia duradero;
- Facilidadnan pa credito y fondonan di garantia pa agricultornan cu no por usa kas of tereno como colateral;
- Zonificacion pa agricultura y proceso acelera pa permiso pa ricibi tereno.

Un yamada pa accion "Nos pueblo kier cuminda na prijs mas abou, mas fresco y mas saludabel," Minister Wever a bisa. "Nos sector di agricultura tin e pasion. Gobierno tin e plan. Awor nos mester uni forsa. Solamente si nos traha hunto, e transformacion ta posibel."

E minister ta yama tur agricultor cu ta interesa den horticultura pa tuma parti den e proyecto aki. E oportunidad ta real, e plan ta sigur, y e beneficio pa Aruba ta hopi.

ARUBA BANK CU DONACION DI AWG 100,000 NA STICHTING CASMARIE

Como parti di su celebracion di 100 aña



Oranjestad, Aruba, 19 di juni, 2025 – Den cuadro di e celebracion di su 100 aña di existencia, Aruba Bank ta haci un donacion mensual di 100 mil florin na varios organisacion social, educativo, ambiental y mas, como parti di su “Legacy Project”.

E meta ta pa lanta un legado positivo y duradero den comunidad di Aruba. Como parti di esey, Aruba Bank ta orguyoso pa anuncia un donacion di AWG 100,000 na Stichting CasMarie, un organisacion local cu ta dedica su esfuersonan na cuida di esnan cu demencia avansa y sosten pa nan cuidadornan.

Stichting CasMarie, estableci den aña 2006, ta opera cu pasion y profesionalismo pa mehora calidad di bida di

persona cu demencia na Aruba. E organisacion ta ofrece programanan di dia, estimulacion cognitivo, y apoyo emocional pa famia y cuidadornan. CasMarie ta un miembro activo di “Alzheimer Disease International” y ta traha man na man cu institutonan local manera Centro di Memoria.

E donacion di AWG 100,000 lo sirbi pa habri un tercer centro di dia pa persona cu demencia avansa, compra di mueblenan terapeutico y materialnan “sensory”, haci adaptacion na e espacio pa seguridad y comfort, y prepara e staff y programa pa ricibi mas cliente tur dia den un ambiente sigur y structura.

Segun Sharon Fränkel, Managing Director di Aruba Bank: “Nos ta kere cu un banco



no solamente mester brinda servicio financiero, sino tambe tin un rol importante den desaroyo humano y sostenibel di su comunidad. Nos ta honra pa yuda realisa e vision di CasMarie, y contribui na un sistema di cuida mas empatico y accesibel specialmente pa nos grandinan.”

E donacion aki ta reflexion di un compromiso profundo pa sigui inverti den bienestar di e sector mas vulnerabel di nos comunidad.

e ekipo di CasMarie ta eherce.

Aruba Bank ta orguyoso pa forma parti di e trabou cu gran balor humano cu

Clasificados

SOLODIPUEBLO@GMAIL.COM
CEL. 585 9500

E efectonan di alcohol riba e sistema nervioso

Alcohol ta un droga cu ta legalisa y acepta socialmente. Es mas, tta e droga mas extendi di mundo y nos ta uz'e cu frecuencia den reunion, get-to-gether cu amigonan, cenanan familiar, etcetera.

Sin embargo, nos conoce e efectonan di alcohol? E efectonan di alcohol ta cuminsa cu un sensacion di excitacion y euforia cu ta haci nos sinti miho ora cu nos cuminsa consumi'e.

Pa desgracia, hopi hende ta uz'e pa desinhibi of pa calma. Sin embargo, e efectonan real den nos organismo no ta nada bon.

Alcohol ta un toxico cu por provoca alteracion den henter nos sistema. Tambe, tin hopi enfermedad cu ta relaciona cu e ingesta cronico di e substancia aki.

Por ehempel, alcohol ta asocia fuertemente cu e disfuncion hepatico. E realidad aki a extende entre e poblacion; no obstante, poco hende conoce e efectonan di alcohol riba nos sistema nervioso, por ehempel.

Den e articulo nos lo bay splicabo.

Cualnan ta e efectonan di alcohol? E efectonan di alcohol den e sistema nervioso por produci tanto di forma agudo como cronico.

E cantidad ingeri y e tempo cu ta mantene e situacion aki ta determinante. Di forma general, nos ta distingui entre e intoxicacion agudo y alcoholismo cronico.

Intoxicacion agudo

Intoxicacion agudo ta produci ora cu den un periodo corto di tempo, ta ingeri cantidadnan hopi grandi di alcohol.

Na principio, e intoxicacion aki ta produci sintomanan agradabel, manera e desinhibicion cu nos a menciona anteriormente.

Di un otro banda, ta necesario menciona cu, aunke hopi hende ta uza alcohol pa socialisa, otronan ta afecta di manera contrario.

Hopi persona por bira agresivo y iritabel. Sin embargo, e efectonan di alcohol den e caso aki, por causa un coma etilico.

Esaki ta un estado di perdida di



conciencia debi na e substancia aki cu por yega na pone e bida na riesgo.

Entre e efectonan di alcohol ta destaca cu ta un depresor di nos sistema respiratorio. Esaki kiermen, cu den e casonan aki, por yega na produci morto pa un fayod den e respiracion.

Alcoholismo

Alcoholismo ta tuma lugara ora cu un persona ta sinti un necesidad imperioso di ingeri alcohol cu ta conduci na haci'e constantemente. Un di e efectonan di alcohol ta cu e ta capas di produci dependencia fisico. Esaki ta haci cu e alcoholiconan ta sufri sintomanan di abstinencia ora cu e no por tum'e.

Alcoholismo ta asocia na otro procesonan cu, ora combina, ta haci cu ta desaroya cierto trastornonan neurologico grave.

E circunstancianan ta:

- Mayoria di e alcoholiconan tin deficitnan nutricional y falta di vitamina.

- Ta afecta otro organonan manera e higra. Numeroso estudio ta demostra cu e degeneracion hepatico por causa daño den e sistema nervioso.

- Ta hopi comun cu ta produci golpi y traumatismonan craneal pa motibo di e causa di e efectonan di alcohol. Esaki por provoca hematoma y hemorragianan den e cerebro cu tambe su

funcionamento ta bay deteriorando.

Pa tur esaki, e efectonan di alcohol den e sistema nervioso ta wordo traduci den numeroso enfermedadnan. A continuacion nos lo splicabo di esunnan mas destaca.

Efectonan di alcohol: e enfermedadnan neurologico

Demencia

Casi 10% di e alcoholiconan cronico ta sufri di demencia. Esaki ta implica cu e personanan aki ta sufri un deterioro di tur nan funcionnan cognitivo, manera memoria y e habilidadnan social.

Den e casonan aki, e persona ta perde e capacidad di realisa actividadnan compleho. Tambe por provoca cambionan den su personalidad y den su estado di animo.

Degeneracion di e cerebelo

E cerebelo ta un parti di nos sistema nervioso cu ta encarga di e coordinacion muscular y otro movimentonan cu nos ta realisa involuntariamente.

Ta calcula cu rond di un 50% di e alcoholiconan ta sufri daño den esaki. Nan ta caba teniendo dificultadnan pa papia, pa cana y hasta cuminsa tin temblamento.

Polineuropatia alcoholico

Otro di e efectonan di alcohol ta polineuropatia alcoholico. E ta un enfermedad caminda cu algun nervio ta degenera y no por mantene corectamente su funcionnan.

E ta asocia na un falta di vitamina secundario na e ingesta di alcohol. E personanan aki ta cuminsaperde forsa den su miembronan gradualmente. Ademas, ta sinti parestesias (sensacion di grawatashi den e cuero) y dolor den e mesun miembronan.

Na final, e ta afecta e forma di cana.

Efectonan di alcohol: e sindrome di Wernicke-Korsakoff

E patologia aki ta produci un alteracion di e conciencia cupor yega hasta den coma. E ta wordo causa pasobra e cerebro no ta metabolisa corectamente e glucose y ta acumula cierto substancianan toxico den dje.

Concluyendo

E efectonan di alcohol den e sistema nervioso ta varia y compleho. Ta importante sa cu e ta produci daño tanto ora cu ta limita na un intoxicacion agudo como ora cu e persona ta alcoholico di manera cronico.

P'esey, si bo ta kere cu bo tin un adiccion na alcohol of bo ta bebe frecuentemente, purba di aleha di dje.

Tanto bo dokter, como numeroso gruponan di apoyo cu ta existi awendia por yudabo.



Minister Cicilia durante PAMAC 2025: Aruba tin compromiso cu e industria di Crucero



Diaranson mainta a continua cu e reunionnan di PAMAC 2025 na Aruba. Tabatin un reunion general entre e ehecutivonan di e industria di crucero. P’e ocasion aki, Minister di Turismo, mr. Wendrick Cicilia a hiba un discurso masha elocuente n’e topnan di e industria. E mandatario a inicia bisando cu e ta sumamente orguyoso pa ta presente n’e conferencia di PAMAC. E ta inspira di mira e tantisimo interes di e sector pa tin un compromiso cu pais Aruba. E industria intencionalmente ta scoge pa tin un relacion

di trabou cu nos. A hiba varios combersacion durante e ultimo dianan tras di lomba. Locual cu e minister por resumi entre e serie di combersacion y reunionnan, ta cu: e ‘stakeholders’ ta considera Aruba como un partner strategico y importante. Nan ta hasta categorisa nos como un miembro di famia. E industria di turismo crucero a contribui grandemente n’e desaroyo di pais. Aruba a ricibi su prome experiencia di crucero cu e linea Voyager cu su barco Libertador sigui pa Tradewinds dje

pa Santa Rosa y Santa Paola, tur esaki den e decada di 1950. Awendia Aruba ta traha di cerca cu e lineanan crucero mas top di mundo. E industria a trancendi den un oportunidad comercial pa nos hendenan y esey ta algo cu mester balora tur dia, Minister Cicilia a expresa. Nos a compronde e tarea pa cu e compromiso. Ora un barco crucero yega Aruba, e ta cambia bida di hopi hende. For di e comerciantenan na Welcome Plaza, pa e ‘tour guides’, taxista, restaurant, e tiendanan den Caya Grandi y mas, tur ta sinti e efecto directamente. Pa un periodo tabatin discusion cu Florida-Caribbean Cruise Association (FCCA). Pero a compronde e mensahe y a haci caso tambe. A implanta varios proyecto grandi, entre nan e proyecto di tram, parkeerplaat pa nos ‘tour guides’ y sin lubida e renobacion completo di nos centro di ciudad. Como parti di e gobierno nobo, ta e vision pa sigui desaroya Aruba como un destinacion pa satisfice e necesidadnan di e industria di crucero. A ricibi varios inspiracion



durante e ultimo dianan, no obstante cu Gabinete AVP-FUTURO tin apenas tres luna den funcion, ya ta trahando pa sigui desaroya nos centro di ciudad. A cuminsa cu eventonan caminda ta integra turismo cu nos comunidad, manera Ban Bek Caya, pero sin lubida Wilhelminastraat cu tambe lo continua di ta un caya cu desaroyo importante pa e vision di

nos di centro di ciudad den su totalidad. A adopta e modelo di un turismo sostenibel, e vision ta p’e sinergia continua tambe cu e industria di crucero. “Nos ta reconfirma nos compromiso cu e industria di crucero. Nos lo sigui inverti den eleva e producto Aruba”, asina Minister di Turismo Wendrick Cicilia a termina bisando.

CELEBRACION CORPUS CHRISTI NA MISA BIRGEN DI FATIMA DAKOTA

Reverendo Pastoor Jozef Pelc y Reverendo Diacono Michael Nicolaas, di Parokia Birgen di Fatima Dakota ta anuncia celebracion di Corpus Christi diadomingo awor 22 di juni 2025 cu un Santo Sacrificio di Misa Solem cuminsando pa 5’or di atardi. Invitacion ta bay na tur Parokiano di Dakota, y Grouponan di Oracion y Pueblo di Aruba en general pa asisti na e Santo Sacrificio di Misa. Pa 6.00 pm lo sigui cu un procesion di Curpa y Sanger di nos Señor Hesu – Cristo o sea Corpus Christi cu ta ilustra e presencia real di Cristo den Eucarestia. E ta un fiesta cu ta wordo celebra desde siglo XIII. Nos ta conmemora e institucion di e Santa Eucarestia

ariba Diahuebs Santo y nos ta duna tributo solem di adoracion, amor y gratitud. E ta un fiesta hopi importante ya cu Eucarestia ta e regalo di mas grandi cu Dios a duna nos pasobra E tabata desea di keda cu nos, tambe despues di Su Ascencion na Shelo. E procesion Eucaristico lo pasa den cayanan di Dakota y bishitando 4 altar simbolizando 4 skinanan di mundo y lo para un momento pa resa, scucha lectura y ricibi bendicion. Cu un fe firme den Señor nos Dios, e Celebracion, lo tin un influencia positivo riba nos bida spiritual, social, cultural y politico. Lo reza Santo Rosario pa 4.15 pm. Boso presencia ta altamente aprecia. Masha danki.



ALL STARS
SOFTBALL TEAM

Un y tur ta cordialmente invita na e gran

APERTURA OFICIAL

GUBERNAMENTAL COMERCIAL 2025

20 JUNI 2025
7:00 PM

KUDAWECHA BALLPARK

ZETA BAND @ 7:30 PM

BAR Y CUSHINA LO TA BON SURTI !

Cu presencia di Miss Universe

Ehecutivonan di crucero contento di ta bek na Aruba



Den un esfuerso conhunto entre Ministerio di Turismo, Aruba Ports Authority (APA) y Aruba Tourism Authority (A.T.A.) a logra pa nos isla ta anfrition e siman aki di e Platinum Associate Membership Advisory Council (PAMAC) 2025. Ta trata aki di un di e eventonan mas importante y reconoci pa e industria crucero na Norte America y Latino America, organisa pa Florida-Caribbean Cruise Association (FCCA).

Mester menciona cu riba dialuna anochi a invita tur e ehecutivonan clave cu a yega Aruba caba, pa un cena di bonbini na Papiamento Restaurant. E anochi a conta cu presencia di Minister di Turismo, Labor y Transporte, Wendrick Cicilia y tambe Jennifer Arends-Reyes como presidente di e Comision di Turismo di Parlamento di Aruba. E patrosinadonan di e evento, Marc Figaroa di Aruba Ports Authority y Ronella Croes di Aruba Tourism Authority a yama e invitadonan bonbini

na nan yegada na porta caba. Tambe tabata presente Michele Paige, kende ta e CEO di FCCA, Marie McKenzie, siendo e Senior VP Government and Destination Affairs di Carnival Corporation and Chairperson of FCCA Operations Committee y Adam Ceserano cu ta e presidente di FCCA.

Durante e evento, e invitadonan a conta tambe cu presencia di Anouk Eman como Miss Universe Aruba y tambe Maria Victoria Kjær Theilvig cu ta Miss Universe 2024. E ultimo aki a ricibi un obsekio for di man di Minister Wendrick Cicilia, cu a gradicie pa su bishita na nos isla. E Miss Universe a expresa di a keda encanta cu e calor humano y e bunitesa di nos isla.

Tema di e aña aki Un aspecto clave cu e PAMAC Cruise Summit 2025 lo trece pa Aruba ta e oportunidad pa showcase desaroyonan recien, actividadnan y excursionnan disponibel riba e isla.



Adicionalmente, e conferencia lo enfoca riba varios topico importante, incluyendo atrae cruceronan mas chikito y luhoso, sin lubida e intencion di por atrae crucero durante e temporada abou. Meta di e iniciativa aki ta pa engrandece e experiencia di Aruba y promove crecimiento sostenibel den e industria crucero. Sostenibilidad ta keda un tema central den e industria di crucero y e conferencia aki lo pone enfasis riba su importancia door di alinea e strategianan di Aruba cu e industria mundial di crucero.

Tocante FCCA Florida-Caribbean Cruise Association (FCCA) ta un organizacion comercial sin fin di lucro cu ta consisti di 23 liña miembro cu ta opera casi 200 barco den laman di Florida, Caribe y Latino America. Funda na aña 1972, e meta di FCCA


ta pa provee un foro pa discucion riba operacionnan di crucero, desaroyo turistico, wafnan, operacionnan di tour, siguridad y otro asuntunan di e industria crucero. Door di fomenta mas comprendemento di e industria di crucero y su practicanan di operacion, FCCA ta busca pa construi relacionnan cooperativo cu su destinacionnan partner y pa desaroya partnershipnan bilateral productivo cu cada sector. FCCA ta traha cu gobiernonan, wafnan y tur representante di sector priva/publico pa maximisa gastonan di pasahero crucero, liña crucero y empleadonan di liña crucero, y tambe mehora e experiencia di destinacion y e cantidad di pasaheronan crucero cu ta regresa como bishitante stay-over despues.

Cruceronan miembro: AIDA Cruises, Carnival

Cruise Lines, Celebrity Cruises, Costa Cruises, Cunard Line Ltd, Disney Cruise Line, Explora Journeys, Hapag-Lloyd Cruises, Holland America Line, Margaritaville At Sea, MSC Cruises, Norwegian Cruise Line, Oceania, Cruises, Cruises Princess Cruises, Regent Seven Seas Cruises, Silversea Cruises, Royal Caribbean International, Seabourn, SeaDream Yacht Club, TUI Cruises, Virgin Voyages y Windstar Cruises.



E quinteto pa e gran final di Divicion Honor Oro pa diasabra 21 di juni 2025 ta:



RC: Ricangel de Leça
AR1: Jade Salamatín
AR2: Tristan Vermeulen
4th: Jerwin Giel
5th: Arron Stamper

* Ricangel de Leça cu su di 11 anja consecutivo riba lista di FIFA y cu plan pa sigui pa 2026.

* Jade Salamatín cu tambe ta su di 11 anja consecutivo riba lista di FIFA como asistente.

* Tristan Vermeulen su prome anja riba lista di FIFA como asistente y ta trahando su number grandemente

internacionalmente.

* Jerwin Giel cu tin 3 anja caba trahando como referee y cu ambicion pa subi lista di FIFA.

* Arron Stamper tin 2 anja den e funcion di referee y cu deseo grandi pa tuma e stap pa e siguiente nivel.

Referee Department ta final di nos deporte Rey e sumamente contento y anochi aki. orguyoso di su team di Nos ta desea nos team 1 referee cu a demostra di ta tur clase di exito! kla pa dirigi un tremendo

**TA BENDE:
FRAME di HERO
(70cmX45cmX37cm)**



**PROTEGA' bo AIRCO
i Bo CAS!
Prijs 175 florin.
Info 5697787**

Parlamentario Otami Thomasia: “NOS TA TRAHA PA UN BIDA DIGNO, AUTONOMO Y SIN ABUSO PA NOS GRANDINAN”

ORANJESTAD (17 di juni 2025) – Parlamentario Otami Thomasia a tuma nota di e decision reciente di AZV pa elimina seis remedi den e grupo di “Benzos” for di su lista di cobertura. E tipo di medicamento aki, cu ta regularmente uza pa trata problema manera ansiedad of insomnio, ta conoci pa su potencial di dependencia despues di uzo prolonga.

“Nos mester ta mas consciente y wak si tin otro alternativa pa e remedinan aki; esey ta e pensamiento na nivel internacional. E meta ta pa duna e persona un bida mas pleno, creativo y autonomo; no pa limita nan di manera cu nan keda henter dia sin movicion riba un stoel,” segun Thomasia.

E paso aki ta parti di un enfoque mas humano y preventivo, cu ta promove alternativanan saludabel manera deporte, yoga y otro tipo di terapia pa trata e causa di ansiedad y insomnio, en bes di depende constantemente riba remedi. Dokternan di cas tambe lo tuma un rol mas importante den e seleccion cuidadoso ora di receta e tipo aki di remedi. “Nos kier un sistema cu ta cria consenshi den nos profesional di salud y un proteccion real pa nos pashentnan,” el a agrega.

Un preocupacion particular ta e impacto cu uzo di e remedinan aki tin riba nos mayornan. “Nos no por sigui crea un realidad caminda un hende grandi ta ricibi un

receta pa drumi y despues nan ta keda pasivo, sin movicion, sin interaccion cu nan nietonan, sin dignidad,” Thomasia a enfatisa. E ta ripiti cu esaki ta un forma di abuso silencioso, y Aruba mester tuma pasonan firme pa preveni y detene esaki.

Durante bishitanan reciente na casnan di cuidu, Thomasia a tuma nota di varios preocupacion, entre nan un di e mas urgente: falta di accesibilidad. “Nos no por traha cas pa hende grandi den districtonan unda no tin facilidadnan basico manera supermarket, transport publico of un espacio caminda nan por sinta bou di un gazebo; cu su debido mantencion y cu ta conta cu acceso pa persona cu limitacion



manera ramp pa rolstoel y rails pa wanta na dje.

Esaki ta contribui na aislamiento y deterioro di nan bienestar,” el a indica. E parlamentario a propone idea manera bus cu ta pasa di bes en cuando pa hiba mayornan pa bishita nan amigo na otro distrito, promove movimiento y union social. Otami Thomasia tambe a

trece e tema di abuso di adulto mayor dilanti di ministerio, unda nan a tene un dialogo constructivo. Nan a trata tema manera autonomia, ley pa cuidu na cas y e necesidad di forma un meldpunt pa abuso – un espacio caminda mayornan por, den anonimo, indica abuso fisico, verbal, emocional of negligencia, den cualkier forma.

5 PA DOÑONAN DI MASCOTA DURANTE MAL TEMPO TIPS

1 Tishen un “hurricane safety plan” pa bo familia ta prepara y inclui bo mascotas den dje. Kibese: nunca bo lo haci uso di dje pero “better be safe than sorry”. Dicidi e seguridad di e accionnan pa un “worst case scenario” y percura pa por ehecuta e plan aki na cualquier momento teniendo cuenta cu tur cos cu bo haci lo mester ta facil y accesible pa por uza pa 2 siman, p.e:

- Awa, euminta, algo pa pone awa y cominda den dje
- Cualquier remedi cu e mascota ta standard riba dje incluyendo su tratamiento contra carpa, pulga y leishmaniosis (check fecha di expiration)
- Un pet carrier
- Un katebak cu su valling
- Saco di plastic pa pone nan coschi aden
- Extra lechi
- Un coy lunga
- Buki di vacuna
- Sigura un potret di bo mascota

2 Percura pa bo mascota tin un caminda pa accede pa awa

3 Percura pa bo mascota tin un caminda cu e por sinti sigur si e haya stress di tempo cu stress

4 Percura pa bo mascota cu vacunanan ta up to date pa nan ta bon proteta contra malesanan infeccioso cu por sangi especialmente ora awa yobe hopi

5 Percura pa bo mascota tin un microchip. Siendo un banchi cu su donan por yuda pero en caso e mascota perde e banchi aki, por traha e info bek via e microchip, control cu bo info ta up to date

Stima Mi Mascota

UN BITTER DI MAS...

POR STROBA BO DI YEGA CAS.

E DECISION TA DEN BO MAN

RBC ROYAL BANK TA RENOBTA INVERSION DEN HUBENTUD PATROCINADO ARUBA LITTLE LEAGUE



ORANJESTAD, 19 di juni 2025 – RBC Royal Bank (Aruba) N.V. a anuncia awe cu e ta patrocina di forma continuo Aruba Little League Association, formalisando su compromiso pa sostene iniciativanan cu ta empodera hubentud y forma talento na Aruba.

“Pa mas di dos decada, RBC tabata un orguyoso sponsor pa e evento aki - un faro di spirito hubenil y excelencia deportivo aki na Aruba,” Pierre Rafini, Vice Presidente, Commercial Banking, Dutch Caribbean y Country Manager, Aruba, a splica.

“RBC su asociacion di hopi tempo cu Aruba su Little League ta un capitulo stima den nos historia. Ta pa motibo di e lasonan fructifero cu organisacionnan comunitario manera Aruba Little League cu nos ta wordo recorda di e rol importante cu deporte ta hunga den enrikece bida di individuonan



hoben, formando nan den e lidernan di mañan,” el a agrega.

Rafini a extende un pabien special na e campeonnan regional 2024 cu a representa Aruba den Little League World Series na Williamsport, PA.

Tambe el a reconoce Fundacion Aruba Little League, boluntarionan y e famianan sostenedo, kende nan compromiso incansabel y amor pa e wega tin un balor hopi halto.

Rafini a encurasha e atletanan hoben, door di declara, “sea bo ta tene un trofeo of simplemente ta sobresali den e experencianan, corda esaki, cada un di boso ta un campeon den bista di RBC y e comunidad. E balornan cu boso a brasa riba tereno, trabou den team, disciplina y e buskeda di excelencia, ta e principianan cu lo guia boso pa e exitonan mas aya di e fronteranan.”

Cu expectativanan creciendo, e team di Aruba Little League ta preparando ansiosamente pa muestra nan habilidadnan na e proximo torneonan den exterior y ohala na e Little League Baseball World Series e luna di augustus aki na Williamsport, PA.

SUDOKU

5		9				4		
7		8	3		4	9		
6		1				7	3	
4	6	2	5					
3	8	5	7	2	1	6	4	9
1	9	7	4		8	2		
2			1					4
		3		4			8	7
	7			5	3			6

8								
		3	6					
	7			9		2		
	5				7			
				4	5	7		
			1				3	
		1					6	8
	8	5					1	
	9					4		

	8							
				2	1	8	7	
2			3				5	9
		4			9		2	
	7		2	1	8	4		6
9					3	7		
6	9		4					
	4	8	1		7			

MINISTER DI HUSTICIA DI SINT MAARTEN TA GRADICI ARUBA PA SU SOSTEN RAPIDO DURANTE CRISIS NA PRISON

Den contexto di e Justitieel Vierlanden Overleg (JVO) cu ta tumando luga e siman aki na Aruba, Minister di Husticia di Sint Maarten, mr. Nathalie Tackling, a haci un bishita di introduccion y trabao na su colega Arubano, mr. drs. Arthur Dowers.

Durante e reunion di introduccion, Minister Tackling a expresa su profundo agradecimento na Minister Dowers y Gobierno di Aruba pa nan sosten inmediato y incondicional durante e disturbio reciente den Prizon di Pointe Blanche na Sint Maarten. Aruba a hunga un rol clave den e momento dificil aki, mandando cinco agente di Guarda Nos Costa, ademas di e diesseis Mariniers Hulandes staciona na Aruba cu tambe a mobilisa pa yuda.

Minister Dowers a subraya e compromiso firme di Aruba pa cooperacion

regional, y a expresa cu apesar di reto propio cu Aruba ta confronta, extende yudansa na nos islanan ruman ta un obligacion moral y politico.

Durante e reunion bilateral, a trata e siguiente puntonan importante:

- E presencia di arma di candela entre hende hoben, un preocupacion creciente den Caribe Hulandes, aunkue cu un diferente nivel di urgencia pa cada isla.
- Prevencion di criminalidad y reforma di husticia penal, cu lo discuti mas profundo durante e sesion formal di JVO.
- E disminucion gradual di cooperacion interinsular den añanan recien, algo cu ambos Minister ta desea pa reenforza via un renobacion di compromiso strategico.


E intercambio di bon practica y experiencia institucional, cu Minister Tackling ta busca pa beneficia di e amplio conocimiento di Minister Dowers, acumula durante su ocho añanan como Minister di Husticia.

Ademas, e Minsternan a tene un intercambio constructivo tocante e plannan actual pa construccion di facilidadnan coreccional nobo tanto na Aruba como na Sint Maarten. Minister Tackling a duna un actualisacion di e proceso mas avansa na banda di Sint Maarten y a ofrece informacion relevante pa yuda Aruba den su fase di planificacion.


E bishita aki ta reafirma



e reconocimiento mutuo cu pa logra un sistema di husticia fuerte y eficaz den Reino, ta necesario un cooperacion interinsular robusto, dialogo continuo, y un bista unifica riba seguridad y estado di derecho den Caribe Hulandes.



Paardenbaaistraat 10, Oranjestad, Aruba Tel.: (297) 525 - 7555
www.lottoaruba.com
Resultado: Sorteo di Merdia - June 19, 2025




Sorteo # 4655


9822

1000

2767




X2




Sorteo # 4655

5536




X2



Sorteo # 2711


9848



Sorteo # 4655


3458

Virgo




Sorteo # 1529

763



X2



Sorteo #

0 x Jackpot

0 x Match 4+

0 x Match 4


0 x Afl. 12,00

Joker

Letter

Proximo Jackpot

160.000,-



Sorteo #


0 x Jackpot

0 x Match 4

0 x Afl. 8,00

Proximo Jackpot

55.000,-



Sorteo #

0 x Jackpot

0 x match 4

0 x Afl. 500,00


0 x Afl. 50,00

0 x Afl. 15,00


Mega Ball

Proximo Jackpot


550.000,-




Afl. 825.000,-



Sorteo #





Oracion di dia

Un feliz comienso di weekend colma cu hopi amor y bendicion di Dios.

Stima Señor, bo Dios, di henter bo curason, cu henter bo alma, cu henter bo mente, y cu tur bo forza. E di dos mandamento mes importante: "Stima bo prohimo manera cu bo ta stima bo mes. No tin ningun otro mandamento cu ta mas importante cu esakinan." (Marco 12, 30-31)

Dios a crea bo segun su imagen, a duna bo e mesun capacidad pa stima, a supla den bo e mesun rosea di amor. Si bo ta cristian, bo tin cu tuma e antorcha di amor for di Cristo, charge cendi durante henter bo bida, y pase despues na bo yiunan, na bo amigonan y coleganan. E antorcha di amor aki tin cu pasa di man pa man, tin cu cende cas pa cas, ilumina curason pa curason y mente pa mente. Scuridad tin miedo di e antorcha di amor aki. Unda e antorcha aki ta cendi scuridad ta dirti bira nada, manera pida ijs. T'esaki ta amor: no ta nos a stima Dios prome, sino t'E a stima nos y a manda su Yiu pa E bira sacrificio pa pordon di nos picanan. (1Huan 4,10) Solamente ora bo ta descubri e tesoro cu ta den bo paden cu yama amor y solamente ora bo ta entrege na otro, lo bo ta feliz.

Oracion: Señor guia mi y proteha mi den Bo cosnan di haci di tur dia. Pa bo Amor ta semper hunto cu mi. Bo promesa ta real! No obstante ki tribulacion mi haya mi aden, mi sa cu Dios no ta laga mi bandona, den number di Hesus di Nazaret. Amen.